



fide⁺
rumantsch

Examen da romantsch

(sursilvan)

Secretariat fide
Haslerstrasse 21
3008 Berna
031 351 12 12
info@fide-info.ch
www.fide-info.ch

Lia Rumantscha
Via da la Plessur 47
7000 Cuira
081 258 32 22
curs@rumantsch.ch
www.curs.ch

Jeu discuorel romontsch!

Vuleis Vos mussar che Vos haveis empiru romontsch?

Naven da 2021 saveis Vos schar examinar Vossas enconuschientschas da romontsch. Ei dat examens els idioms sursilvan, sutsilvan, surmiran, puter e vallader – ed en rumantsch grischun.

Tgei nivels dat ei?

Ei dat examens a bucca sin ils nivels A2 e B1 ed examens en scret sin ils nivels A1 ed A2. Ins sa absolver differents nivels a bucca ed en scret. Sch'ina persuna discuora per exempel gia currentamein romontsch, sa denton buca leger e scriver aschi bein, savess ella s'annunziar per igl examen a bucca sin il nivel B1 e per igl examen en scret sin il nivel A1 ni A2.

A tgi sedrezza igl examen?

Igl examen sedrezza a tut las personas interessadas che han empiru romontsch, in idiom ni rumantsch grischun, en in cuors ni el mintgadi, e che vulessen schar examinar lur enconuschientschas linguisticas.

Igl examen ei era renconuschius per las proceduras officialas en connex cun la naturalisaziun, la lubientscha da dimora ni la lubientscha da domicil:

- Sch'ina persuna vuless absolver igl examen per la naturalisaziun, sto ella far ils examens per ils nivels B1 a bucca ed A2 en scret.
- Per la lubientscha da domicil (C) drova ei ils nivels A2 a bucca ed A1 en scret.
- Per la lubientscha da dimora (B) drova ei il nivel A1 a bucca.

Co ei igl examen structuraus?

Vus meneis igl εμπrem in discuors cun duas expertas. Il discuors cuoza 10-15 minutas. Silsunter fageis Vos duas incumbensas en scret. Ei setracta d'incumbensas dil mintgadi; Vos stueis buca sepreparar specialmein per quellas. En tut va igl examen circa in'ura.

Dat ei in certificat?

Sche Vos dumigneis igl examen cun success, survegnis Vos in **passaport da las linguas**. Il passaport vegn emess per incumbensa dil Secretariat da stadi per la migraziun SEM ed ei renconuschius sco cumprova linguistica en proceduras per survegnir la lubientscha da domicil, la lubientscha da dimora ed il dretg da burgheis.

Cura e nua san ins absolver ils examens?

Ils examens han liug duas ga ad onn a Cuera. Las datas d'examen vegnan publicadas sin la pagina-web da fide e sin www.curs.ch.

Vus saveis telecargar il formular d'annunzia dallas paginas-web ni empustar il formular via e-mail: rumantsch@fide-info.ch. Sche Vos duvreis ulteriuras informaziuns, tarmettei p.pl. in e-mail a questa adressa e nus rispundin a Vossas damondas en scret ni per telefon.